

К л е н и н э н ь К и я в а

ВЛКСМ-нь
Мокшэрэнь
обкомонть ды
Саранскоень ошонь
комитетэнь газетаст

Редакциянь адресэ:
г. Саранск, Володарская 34
телефон №21

ФЕВРАЛЕНЬ

10 чи,

1937 ие

№ 17 (691)

ЛКС: 7-до по
чинь птазь

Бал-маскарад

Чамзинкань средней шко-
лась тедиде тейнесь колмо ве-
черт, конатне алтазь А. С.
Пушкинень юбилеентень.
Январень 27-це чистэ жо
минек средней школась тей-
несь бал-маскарад, косо уль-
несь весе тонавтницятне ды
ульнесь колхозной од ло-
манть.
Н. Симдянов.

1837

Александр Сергеевич Пушкин

1937

Ине народонь ине поэт

Сядо иеть топодсть седе
мейле, зардо трагическоя
ульнесь маштозь рузонь ине
поэтэсь Александр Сергеевич
Пушкин. Сонзэ куломадо мей-
ле сядо иень топодемантень
пек покш мель явсь советской
масторонь ламо национальной
народось, весе культурной
мирэсь. Те события мусь
пек живой отклик минек сою-
зонь сехте васоло, сехте глу-
хой уголтнэсэяк. Зярдояк
пушкинской славась эзь уль-
не истя покшокс, истя вадря-
дояк-вадрякс, кода минек ине,
сталинской шкастонть.

Пушкин ульнесь рузонь ли-
тературной келенть теицкс,
рузонь од литературанть ро-
доначалникекс. Сон сюпалгав-
тызе человечестванть худо-
жественной валонь зярдояк а
кулыця произведениясо. Оля-
чинь вечкиця рузонь наро-
донь церасть, сон емась-арась
подлой великосветской чер-
нянт, крепостниктиэнь ды
царедворецтиэнь каршо боро-
цямсто.

Минек социализмань мас-
торось достойнасто ловинзе
Пушкинень заслуганзо. Кода
жо можна а вечкемс Пушки-
нень, кода а кенярдомс сонзэ
дарованиянстень, кода а лов-
номс сонзэ произведениязо,
конат аштить эрмонь, одкс
шкань, мазый-чинь а коськиця
лисьма прякс!

Советской од ломаньтне,
весемасторлангсонть сехте
уцяскав, сехте шумбра, эрва
мезень содамо сехте пек ба-
жиця од ломаньтне саить пуш-
кинской поэзиянь пек питней
сокровищницастонть трудя
мос, тонавтнемас мелень ке-
педема, саить нежность веч-
кемань туртов, саить мужест-
ва изнямонь темань туртов.

Пушкинень произведениязо
ловномась, сермадсь Косарева
ялгась, сюпалгавты минек од
ломаньтнень валост, келейгав-
ты сынст кургозорост. Пуш-
кин, кона ульнесь се шкань
пек образованной ломанекс,
свал сюпалгавтсь эсь прынзо
знаниянстэ, ашти советской
од ломаньтнень примерэкс
наукас ды искусствас сынст
бажамосост. Секскак минь
кортаган минек од ломань-
тнень рузонь ине поэтэнь
произведениязо тонавтнеме,
секскак мердяно од ломаньт-
нень: ловнодс Пушкинень!

Сядо иеть ютасть, зардо уш-
арась Пушкин. Но неть сядо
иетнень трокс живой Пуш-
кин венстизе кедензэ минек
—сонзэ потомкатнень, сонзэ
наследниктнень, сонзэ
питнейкс ловицятнень. Пуш-
кин, ине народонь ине по-
этэсь, кармась улеми минек
современникекс, минек одло-
маньтнень вадря чувствань
кастыцякс, сынст арсемаст
ветицьякс.



Александр Сергеевич Пушкин
В. Тропинин художникенть роботанзо портрет (1827 ие).

У З Н И К

А. С. Пушкин

Летке темнипасонть кшни экшэ аштан.
А олясо кастазь одто од кузыган,
Монь ризныця ялгам аволи селмсонть,
Ярсамстонзо раздэзь верев ярсамксонть.
Разди сон ды ертни, ваны вальмава,
Прок мартон ве мельсэ арси салава.
Вановтсо, вайгельсэ, прок рангсты —
„Тердян!“

Ды мереде бажи: „Адя, ливтятан!
Минь оля нармуньтан; сась миенек шка!
Тов, косо ашолды пандось пель экшка,
Тов, косо сэнъяжды ине веде волнась,
Тов, косо ливтнетяно мон... ды вармась.

Эрзякс сермадызе Владимир РЯБОВ.

А. С. Пушкин

Exegi monumentum *)

А кедьсэ теезь памятник эстенъ стявтынъ
мон,

А кадсы эзензэ народось янонзо,
Александройской палманденть веревкепедсь
сон

Корс а кирдиця прысонзо.
Допрок а кулан мон—монь оймесь лиранть
эйсэ

Свал эрямо карми ды тунь а наксады—
Кармить содамон весе, зярс масторонть
лангсо

Пиит куш вейке лияды.
Мондены кулясь юты ине Россиянт келес,
Ледстясамам сонзэ народтиэстэ эрвась,

Каштан нуцькаст славянтинь, финэсь, неень
идем

Тунгуз, калмык—стептинь оясь.
Сень кис вечкеме монь кувать карми
народось,

Мекс лирасон паро мельть ежот
сыргостинь,
Мекс казямо шкастон морья мон Оля чинть

Ды милость празьтненень тердинь.
Пазонть мереманзо, о Муза, тон кунсолок,
Покорксто апак пельть, апак вешть

каштазонть,
Шнамонт кенгелямонть апак тално тон
вастак

Ды иля пелькста пелязонть.

Эрзякс сермадызе Ф. ПОТЕШКИН,
В. РЯБОВ, А. ТЯГУШЕВ.

*) Стяган памятник.

А. С. Пушкин

Сибирев

Сибирень рудатнень
потмакссо
Кирдеде вадря шканзо самс,
А еми тынк стака ушодксось
А озы пуль тынк меленк
лангс.

Несчастьянт виде чинь
сазоркась,
Кемемась мода потсо тенк
Максы покш вийть.
вадряксты меленк,
Кенери, сы учома шкась:

Вечкемась, оякс-чись тынк
пелей
Пачкодить кенгштнэ пачк
малазонк,
Кода тынк каторгань

варязонк
Пачкоди монь оля вайгелесь.

Цепьтне новолить, ялгай,
кемты!

Тюрьматне каладыть—кедь
лангсо

Оля приматадызь тынк
ванстозь

Ды братнэ мечест макссызь
тенк.

Эрзянь кельс
сермадызе П. Эрке

А. С. Пушкин.

Телень чокшне

Бурясь вельти менель
чаманть,
Ловонь пуворькст пуворды:
То, прок зверь, карми
рангомо,
То, прок эйкакш, аварди,

То каладо кудо прысонть
Олгонь шалт друг кепеди,
То, ютыцякс позда шкасто,
Вальмазонк вачкоди.

Минек таштола кудынесь
Нусманя ды чопода.
Месть тон вечкема бабинем
Вальманть ало ниредят?

Эли бурянь увномадонть
Тон, оinem, стомавить,
Эли штереть бизнэмадонть
Тон оймигь—нуваземить?

Эрь симдянок мартот тече,
Эйкакш пингень оinem,
Эрь симдянок; косо кечесь?—
Веселгадыть седейнек.

Морак моро, кода эрясь
Ведь томбале нармушкась;
Кода мазыйка тейтересь
Валске марто ведсь якась.

Бурясь вельти менель
чаманть,
Ловонь пуворькст пуворды:
То, прок зверь, корми

рангомо,
То, прок эйкакш, аварди.

Эрь симдянок мартот тече,
Эйкакш пингень оinem,
Эрь симдянок; косо кечесь?—
Веселгадыть седейнек.

Эрзянь кельс сермадызе
П. Гайни

АЛЕКСАНДР СЕРГЕЕВИЧ ПУШКИН

Пушкинэнь эрямозо ушодовсь исторической ине переломонь иетнестэ.

Ансяк эщо прыдовсь 1789 иень французской буржуазной революциясь. Наполеоновской войнатне полавтовсь европейской реакциясонть, конанень нежекс кармасть улеме „весе мирэнь жандармась“ —рузонь инязорось Александр, „священной союзонть“ инициаторозо, кона ульнесь теезь Европосо революцияньт лепшямонзо кис. Яла теке Европань зярря мастортнэсэ—Италиясо, Испаниясо, Грециясо—сыремкшнесть национально-освободительной движениятне.

Россиясо мольсь сестэ кежев реакция. Александровской царствованияньт ушодомсто либеральной алтавкстнэ полавтовсь Аракчеевнь палочной режимсэ, конась бажась теэмс весе масторонть казармакс, военной поселениакс.

Александр I внутренней политиказо, вневгадозь крепостной гнетось ды народонть чудовищной эксплуатациязо ветясть крестьянской востаниятненень ды дворянствань икеле молиця пельксэнт шачсть революционной мельть-превть. Тенень жо лездась дворянской интеллигенцияньт границань томбалева якамсто европейской алкукс-чинть марто содавтомась. Кармасть появамо салавань политической обществат, конатнень деятельность 7-8 иеде мейлэ теевсь декабрьской востанияк.

Пушкин ульнесь аволь ансяк чуткойкс, ютазь тевтнень свидетелекс. Сонзэ поэзиязо невтсь декабристнень мелест-превест ды арсемаст, сыргозятсть общественной сознанияньт, тердсть бороцямомо самодержавияньт ды крепостничестванть каршо.

Пушкинэнь пек нурькине эрямозо (38 иеть) ульнесь скупа событиядо ды пешкесе творческой роботодо.

Александр Сергеевич Пушкин шачсь Московсо 1799 иень июнень 6-це чистэ (маень 26-це чистэ ташто стиленть коряс). Тетязо сонзэ ульнесь зардо бути знатной дворянонь родстонть, авазо ульнесь нуцкак абиссинецэнтень Ибрагим Ганнибалэнь, кона цырынекс ускозель Россияв ды максозь Петра I-нь.

„Поэзиятнень страстесь появась сонзэ эйс васень понятиятнень шкасто,—сермадсь Пушкиндэ сонзэ братозо Лев Сергеевич.—Кавксо иесэ уш, ловномо ды сермадомомо маштозь, сон французской кельсэ сермадсь вишка комедият ды эпиграммат эсинзэ учительтнень лангс“.

Сонзэ тетязо Сергей Львовичень кудосо сеедьстэ уль некшнесть инжекс се шкань содавикс писательтне—Карамзин, Дмитриев, Жуковский Батюшков. Сонькак Сергей Львович вечкилизе литературанть. Содавикс поэтэкс ульнесь Пушкинэнь дедазо, Василий Львович.

Пушкинэнь поэтической воображенияньт формированиясом покш роль налксесь рузонь народной творчествась. Поэтэнт ниязозо Арина Родионовна евтнесь сонензэ ру-

зонь евкст, конатне васенцекс ветизь цырынець народной фантазиянь мирэнтень.

Н. Г. Чернышевский кортась: „Рузонь народной мельс туимань ды мойтнень пек ламо сермадовкстнэ авольть уль бу Пушкинэнь истят живойть ды вадрят, бути бу сон эйкакш пингстэ аволь уле пропитан народной эрямостонть евтнематнесэ“.

Эщо эйкакш пингстэ Пушкин ламо ловнось, седеяк пек французской литературанть. „Цырынесь,—ледсни Пушкинэнь братозо,—апак удо ютавсь ветнень ды тетязо кабинетсэ салава ловнось книгат вейке омбоце мельга“.

1811 иестэ Пушкин кармасть тонавтнеме царско-сельской лицейсэ, косо сон ютавсь 6 иеть. Те ульнесь дворянонь эйкакштнень туртов учебной заведения.

Тесэ теевсть ды кассть Пушкинэнь мировоззренияньт основатне. Се шкань политической событиятненень интересэсь, „вольной“ литературань ловномась, преподавателенть, политической олячинь гражданской равенствань идеятнень приверженецэнт Куницынэнь лекциянзо, Чаадаев марто вастомась, икеле пелень декабристнень Пушкнэнь ды Кюхельбекерэнь марто кеме дружбась—весе те лездась Пушкинэнь идейной касомантень. Лицеесэ истяжо лездась сонзэ литературой дарованиянзо кастомантень. Пушкинэнь лицейской ялганзо ютксо ульнесть литературань вечкият, лицейстнень эйстэ ламотне сермадсть стихт, тесэ жо нолдакшность кедьсэ сермадозь журналт.

Сонсь Пушкин эзь советной обществатнес. Но Вяземскоень валонзо коряс, поэтэсь „эрясь ды калыась те лакиця вулканической атмосфэрасонть“. Пушкин яксесь „Зеленая лампа“ литературной обществантень, кона ульнесь икеле-пелень декабристнень идейной влиянияс ало. Пушкинэнь се шкань стихензэ невтсть декабристнень общественно-политической взглядост ды служба прокламациякс, конатне тердсть самодержавной—крепостнической режименть каршо бороцямомо. Саты ледстямс Пушкинэнь истят стихотворениянзо, кода „Вольность“ „Деревня“, „К Чаадаеву“ ды лият. Неть стихитнень Пушкинэнь печатамс ульнесть а кода, сын яксесь кедьте-кедсь ды явшесть пек ламо рукописьсэ. Правительствась тень лангс отвечась репресиясо. Сон Пушкинэнь панизе обед енов. Ансяк сонзэ кис influentialной оязо пшкадемась ванстызе сонзэ Сибирев панеманть эйстэ.

Се шканьт лиссь Пушкинэнь васьевце покш поэмазо „Руслан и Людмила“. Сон тейсь пек покш впечатления. Се шкастонть эриятне маризь сонзэ эйстэ демократической нотатнень. Реакционной критиктнэ те поэманть лисеманзо ловсть дворянской балсо мужикенть „апак учонь появамокс“.

1820 иень маень 6-це чистэ Пушкин ульнесь панезь Екатеринославов Инзов генералонть распоряженияс. Сеске жо Екатеринославом самодон-

зо мейлэ Пушкин пек ормалгадсь. Сон ськамонзо ульнесь кадозь берякшке кудынес кияк мельганзо эзь яка. Тосто сонзэ случайна муизе Раевский генералонть семеязо кона мольсь Кавказов. Раевской-тне хлопчизь, штобу саемс сэредиця Пушкинэнь эсист марто. Эсинзэ оятнень марто вейсэ Пушкин эрясь кавказской Минеральной ведьтнесэ, косто сон тусь Крымев, Гурзуфов.

Се шкань генералонть Инзовонь канцеляриязо ульнесь саезь Кишеневов, ков куроксто сась Пушкингак

Кишеневасто Пушкинэнь панизь Одессав высокомерной бюрократонть ды самодуронть Воронцов графонть начальстванзо алов. Гениальной поэтэнт аволь зависимой нравонзо, сонзэ олячинь вечкимазо, нама, эзьт тук Воронцовонь мельс. Сон Пушкин лангс ванс прок вишка чиновник лангс ды эрва кода теснясь сонзэ эйсэ. Пушкин отвечась презрениясо. Воронцов сермадсь доност Петербургов ды добовась од репрессият. Поэтэсь ульнесь панезь Псковской губерния, Михайловской велев.

Михайловскойсэ Пушкин эрясь властнень виевстэ ваномаст ало. Но сон маштсь ютавтомс тевсэ велесэ эрямонзо, крестьянтнень ютксо, сень туртов, штобу седе вадрясто тонавтнеме рузонь народной эрямонть ды народной поэзияньт. Теке марто сон тонавти историяньт Сон сермады исторической трагедия „Ворис Годунов“. Михайловскойсэ жо Пушкин сермадсь зярря глават „Евгений Онегинэнтэ“.

Декабрянь 14-це чистэ 1825 иестэ теевсь декабристнень востаниясь. Восстаниясь ульнесь лепштязь. Престолонть лангс озась од император—Николай I. Декабристнень тевенть коряс следствиясь невтнесть правительстванть, кодамо покш агитационной роль налксесь декабристнень движениясонть Пушкинэнь произведениянзо. 1826 иень сентябрысто Николай приказась ускомс Пушкинэнь Михайловскойсэ эстензэ Московов.

Пушкин эзь кекшть инязоронть эйстэ декабристнэнен эсинзэ сочувствиянзо ды видьстэ яволяеть сонензэ, што бути декабрянь 14-це чистэ улелель сон Петербургсо, сон улелель бу востанияньт участниктнень ютксо. Инязорось эсинзэ мнимой великодушиясонзо арсесь саемс кедьсэ поэтэнт, но те николаевской затейстонть мезеяк эзь-лисе. Пушкин эрямонзо перть эзь яв эсинзэ политической идеалонзо марто, эзь лотка инязоронть ды сонзэ придворной челяденть а вечкемадо.

Николаень „миlostесэ“ Пушкинэнь кармасть улеме стака цепекс. Инязорось вешсь поэтэнт пельде рабской повинования, сон аравтызе сонензэ жандарманть Бекендорфонь, конань меремавтомомо Пушкинэнь эзь ульне правазо якамс таркасто таркас, конань меремавтомомо сонензэ а кода ульнесь мезеяк печатамс. Пушкин нейсь, што 1825 иестэ самодержавиясь изнясь. Но сон яла теке кемсь эсинзэ

творчествань вийсэнзэ воздействовать общественной мненияньт лангс, ветямс инязоронть ды правительстванть эрвияця реформань теема кинть лангс.

1829 иестэ Пушкин тусь Кавказов—действующей армияв, косо, се шканьт ульнесть ламо разжалованной декабрист солдатокс. Те путешествиясь, кона теезь инязоронть меремавтомомо, поэтэнт адресэнзэ коряс тейсь од тандавнемат. Чопода пельть пурнавсть ине поэтэнт пряно велксс.

1830 иень сентябрынь 1-це чистэ Пушкин тусь Нижегородской губерния, Болдино велев. Велесэ а эсь олясо эрямось Пушкинэнь туртов ульнесь пек плодотворнойкс. Тесэ сон прыдызе стихсэ сермадозь „Евгений Онегин“ романонть, конань лангсо роботась сон 7 иеде ламомо. Те произведениятнень видестэ мерсь Белинский рузонь эрямонь энциклопедия. Болдинасо жо ульнесь сермадозь: „Домик в Коломне“, „Скупой рыцарь“, „Моцарт и Сальери“, „Каменный гость“, „Пир во время чумы“, „Повести Белкина“, „История села Горюхино“ ды ламо лирической произведеният ды критической статьят.

1831 иень февралень 1-це чистэ Пушкин урваксь Наталья Гончарова лангс. Урвакстомодо мейлэ зярря шкань ютазь поэтэсь сась Петербургов. Пушкинэнь гениальностэзэ яла кассь, но нинзэ эрямонь светской койтне, „светэнт“ бузмолдомась, поэтэнт мельга надзорось, высшей обществанть ды казенной печатанть эндо травлясь поэтэнт туртов тейсть корс а кирдевилян обстановка ды эзьт макст возможность сонзэ творческой роботантень. Пушкин снартнесь туемс велев, но инязорось эзь мере тензэ.

1830 иестэ Пушкин ульнесь холерной бунтнень свидетелекс. Сонзэ мельга 1831 иестэнт Нижегородской губерниясо теевсь зярря востаният. 1830—1831 иень востаниятнень эйстэ поэтэнт арсезамо велаятьс Пугачевонь востаниятнень, конась ульнесь пель пингедэ теде ике-

ле ды кона тандавтызе инязоронь империяньт. Пушкин кармасть тонавтнеме Пугачевонь востаниядонть архивной тевтнень ды разрешениань получаць, ульнесь Казаньсэ, Оренбургсо, Уральскойсэ, Берды станциясо, косо ульнесь Пугачевонь ставказо. Те исследовательской роботадонть мейлэ появась „История Пугачева“ книга, конань Николай мерсь лемдеманзо „История Пугачевского бунта“ книга, ды „Капитанская дочка“, кона Белинскоень валонзо коряс „прозасо Онегинэнт кондымо“. Крестьянской востаниятнень темась невтесэ „Дубровский“ книга, сонтькак. Малав секе шкастонть жо Пушкин сермадызе прозасо пек вадря произведениянзо—„Пиковая дама“ книга.

1834 иенть ушодомсто инязорось поэтэнтень „пожаловал“ камер-юнкерэнь придворной лем. Инязоронть те од „миlostесэ“ поэтэнт туртов ульнесь унизительнойкс. Пушкинэнь ульнесть 35 иеть, сонзэ лемезэ ульнесь пек содавикс весе масторсонть ды лия мастортнэсэяк. Камер-юнкерэнь лемесэ жо максовсь аристократической од цырынетнень ды кармавтьс придворной церемониятнесэ участиятнень. Камер-юнкерэнь чинэнт „пожалованиясь“ ульнесь поэтэнт лангсо инязоронть эндо од нарьгамокс.

Придворной камарильяньт ненавистьсэ ды кежсэ пирызь, поэтэсь эзь лотка бороцямодо. Но катастрофась яла малав сась. Инязоронть холопонзо искуснойстэ тензэ ды сыремтизь Пушкинэнь ды ничтожной прошалыганть офицерэнт Дантесэнь ютксо конфликтэнт, конась наглоистэ якась поэтэнт нинзэ мельга. 1837 иень январень 27-це чистэ дуэльсэ Дантес пек раннзе Пушкинэнь. Кавто чиде мейлэ, январень 29-це чистэ (февралень 10-це чистэ ташто стиленть коряс), чить 2 часот 45 минутсто, Пушкин кулось.

Пушкин ловсь исторически эрявиксэкс крепостной праванть истожамонзо.



Пушкинэнь меедьсэ кизэ.

Н. Шестополов художникенть картинасто.

Тонавнемс сермадомо истя, кода тонавтнесь сермадомо Пушкин

Ламоксть монень кортасть ды сермадстькак, што мон то-надынь эрякс сермадомо Чеховонь пельде. Тень кувалт сермадсь эрянь литературань хрестоматиясо Прокаев И. Ф., косо монь лемдимем эрянь Чеховкс. Эряви меремс, вас-няк мон карминь тонавнемс Пушкинэнь произведениязо кувалт, Пушкинэнь произведе-ниязо мон содылинь уш эй-какшонь шкасто, конат мо-нень пек чаркодевь. Васняк монень чаркадевсь се, што Пушкин тонавтнесь рузонь кельс нянянзо пельде, монь сонзэ коряс условиян седе-вадрят ульнесь, мон монсь-велень ломань, монь уликинь кедьстэ кунсолонь эрянь ке-ленть. Секс васняк мон кун-дынь марямс весе ежонзо-ой-мензэ эрянь келенть. Можот-те а истя, мон эрва валонть

ойме-чинензяк маряса ней. Эряви меремс, кода кунсолан велесэ, кода кортыть эрякс, сестэ монь кунсолить аволь ансяк пилень, кунсолить весе санон.

Арся, Пушкинкак истятей-несь. Сон ансяк ульнесь пек гениальной, сонзэ струнано а минек кондятольть.

Ней эряви меремс, минь ушодынек ды кастано—кепед-тяно мокшэрянь литерату-ранть эйсэ. Минек задачанок теэмс-кастомс эрянь ды мокшонь литературной ке-ленть истя, кода кастась ру-зонь келенть ине поэтэс А. С. Пушкин. Тень теэмс минек улить весе возмознос-тенок, минь эряно истямо шкасто, конадо Пушкин ансяк арсесь, Весе, мезе эряви—ней ули.

Ф. Чесноков.

А. С. ПУШКИН

ТЕЛЕНЬ КИ

Пуворявозь сувонть пачка
Шашты састыне ковань,
Сонзэ эйстэ чуди начкок
Потмур кужо лангс валдось.

Минек топнав телень кинек
Ланга тройкась шаншт кань
Ве вальгейсэ баягинесь,
Меленек мольтясь, чави.

Родной гайть марян ямщи-
кенть

Моростонзо, сон моры,
То гай морот олякс чиденть,
То моравты седей ризкст.

Гмасть толтнэ, кудынетне...
Лов, васолкст нейть сельмень
Ды сермалдый вальгей петне
Ськамнест понгонить монень

Ризкс ды тошна... валске.
Нина,

Тонетъ мекев велявтозь,
Тошна чим стувтса, каминь

Вакссо полам лангс ванозь.
Содазь кинзэ часонь налтось
Гайгевтьсы—ютасы весть.
Ды минек, оям, тонь марто
А явсамизь пелевесь.

Ризнан, Нина: тошна кань,
Ямщикесь, нувсезь, лоткась.
Мольтясь мелень баягинесь,
Ковонь чаманть сув артась.

Эрянь кельс сермадызе
П. ГАЙНИ.

А. С. Пушкин

Мелявтома

Кувать марявозь ютнить монь читне,
Ды эрва шкастонть пужомозь седейс
совить

Уцяскавтомо вечкемань весе септне
Ды прев-аразень стакат а кадновить.
Но кашт молян; моткотькс монь а марят;
Сельведьть валан—сельведьтне монь
эньгамтыть...

Ойминем монь, ризксэс кутмордаят,
Сынст эйстэ сепей мель витемат мукшныть.
О, эрямть он! Ливтяк а жалят тон!
Емак чоподас, чаво цюдавома!
Монень питнейть вечкемань муцявксон,
Кадык кулан, но кулан кадык вечкезь.

Эрянь кельс сермадызе А. МАРТЫНОВ.

А. МАРТЫНОВ.

ВАЛДО ТЕШТЕ

А. С. ПУШКИННЭНЬ.

Палсь тештес валдосто
Аволь ламо иеть,
Сятксо ацась тосто
Пек чопода мирэнтъ.

Мазый зоря тештекс
Цитнесь, валдосто палсь,
Вечкезь пси седейстэ
Моронзо лембекс валсь.

Муцязьтне те лембентъ
Прок чи, прок ведь вешнестъ,
Эйсэньзэ седеест
Кельмемадонть эжнестъ.

Невтсь неть лепштызьтненень
Ки эсь валдосонзо
Тень кис ламо муцявкс
Лепштызьт лангозонзо.

Моросо инязорт
Прок толсо невильдась


Сынст рудазов тевтнень
Чоподастонть пултась.

Учось мазый зорянтъ
Фатакс кирвазема,
Миллионт лепштызьтнень
Оля-чис лисема.

Но эзь сато тештентъ
Валдозо светямо,
Коть течи минь сонзэ
Прок живстэ нетяно.

Коть мик сядо иеть
А палы те тештесъ,
Но минек масторось
Валдодонзо пешкедсь.

Народтнень уцяскань
Мазый зорянтъ ало
Минь, ине, ванькс теште,
Слава тетъ кантаю.



Пушкин Черной морянтъ чиресэ.
И. Е. Репинэнь ды И. К. Авазовсконь картинасто.

А. С. ПУШКИН.

ПИЖЕНЬ ЛАСТЕ

(Ушодома валось)

Сэтьме вень нусманя валдот,
Ковонь валдовтомо цитневксэнтъ,
Эсинь кудосо мон зярдо
Толтомо ловнан, сермадан,
Ды неяви чаво ушось,
Удыця кудот,—ды валдо
Адмиралтействань салмуксось.
Вейке зорясь калши омбоцентъ
Полавтомо, вень чолода
Сырнень менельс апак нолда,
Ды пель часонь туро кирди вентъ.
Вечкса тонь пек тарькс, благой телентъ
Сэтьме коштонзо, якшамонзо,
Неванть кувалт нурдсо ардоманть,
Якстере тейтерентъ чаманзо,
Балтнень мазыст, шалтост, кортнемаст,
Од ломанень пирэнь шкастонть
Човов бакалтань свал тыжнэмаст
Ды пуншонь снэжа толонтъ.
Весела марсовой паксятнень
Вечксынъ войнанъ кирдаст-коест,
Пехотанъ ротытнень ды рактань
Вейкетъ-чист эйсэ мазыст,
Сынст виде лымбиця стройсэ
Изница знамятнень панкост,
Конат нучк-пачк леднезь бойсэ.
Вечкса, войнанъ тевень столица,
Зэртентъ, качамонть крепостьстэть,
Зярдо пельвень инязоравась
Кази цера инязорстэнь,
Эли Россия изнязь врагонть
Лангсо изнявкс празднови таго,
Эли Невась синтри эензэ,
Иневевед канды эйсэньзэ
Ды, тундонть марязь, кенярды.
Мазылгалек, Петрань, ош тон,
Аштеке кеместэ, прок Россиясь,
Кадык сэтьмелгады мартот
Изнязьгак-саезьгак стихиясь;
Умоконь кежест ды полоност
Финэнь волнатне кадык стувтсызь
Ды стяконь кежэ а токасызь
Петрань удоманть пингешкань!
Ульнесь шка стака, пиштемань...
Ушодса евтнеманть сондензэ.
Ды сон тыненк, оян, улезэ
Ансяк чокшнень, страшна кортнемакс.
Аволь кежев кезэрь евтнемакс...

Эрянь кельс сермадызе А. ТЯГУШЕВ.

Чаво ине ведь берексо.
Ине тевть арсезь, аштесъ Сон
Ды васов вансь. Чудсь икельганзо
Келейстэ лей; пиштыка венч
Ськамонзо капшазь уйсь эзганзо.
Пезнака, нупонь берексо
Раужсть кудот тесэ-тосо,
Пиштей чухонь печтема-чи;
Ды вирь, конань лангс тумансо
Кекшезь чись тунь маней а кучи,
Перть пельга увнось.

Ды арсесь Сон:
Тесэ ён ули шведсь тандавнемс,
Тесэ ули од ош путозь
Душман шабранть кежензэ савтнемс.
Природась сонсь тенек азось
Тесэ вальма Европав керямс;
Иневедь ваксс кеме пильгсэ стямс.
Од киява тезнь уить
Весе флагтнэ—инжекс улитъ,
Ды пир тейдяно минь олясо.

Ютась пинге ды од ошось,
Мазыст, диваст пельве мастортнень,
Чопода вирстэ, болотасто
Кепедсь мазыйстэ ды каштансто;
Финэнь кал кундыцясь косо,
Природань пайстомось, майсесь—
Ськамонзо алка берексо
А содавикс ведьтнес кайсесь
Ташто неводонзо, тесэ
Ней вельмиязь беректнэсэ
Дворецт ды башнят рядс аштить:
Масторлангонть эрва иестэ
Ламо караблятне чистэ
Сюпав од пристаньтнес капшить;
Невась оршазь гранит кевсэ;
Ведензэ вельксэс сэдть венствастъ;
Сонзэ усиянзо вельтявстъ
Чопода-пижела садсо.
Ды седе од столицанть коряс
Ташто Московось ней оласъ,
Прок од инязораванть коряс,
Парфирань кандтлиця довась.

Вечктян мон тонь, Петрань кедь челькентъ,
Вечкса кеме, паро шапот,
Невань виев ине чудевтентъ,
Сонзэ береке чирень гранитэнтъ,
Тонь чугононь пирият викшневксэть,

А. С. Пушкинэнь эйкакшонзо ды нуцканзо

А. С. Пушкинэнь ульнестъ ниле эйкакшонзо.

Зырдо поэтэсь кулось, сонэ покш тейтеренэ туртов, Мариянень, мольт ансяк котоце ие, цератненень ульнестъ колмо ды кавто иеть, вишкине тейтерьненень — зярят ковт.

Ташто Россиясь овси эзь арсе содамо сонэ эйкакшнэ де истя жо, кода ине поэтэнь творческой наследствадонзояк.

Сонэ покш тейтерезэ М. А. Пушкина—М. Гартунг шачсь 1832 иестэ, зярдо маштызь сонэ тетянзо, соненэ ульнестъ 5 иеть.

Поэтэнь вишка церазо, Григорий Александрович Пушкин, 33 иеть эрьсэ поэтэнь усадбасо—Михайловской велесэ. Эйкакшонзо сонэ арасельть. Кулось сон Валенской губерняс 1905 иестэ.

Поэтэнь покш церазо Александр Александрович, тетянзо вечкевиксэсь, эрьсэ Московсо, Трубниковской переулкас. Кулось сон 1914 иестэ. Сонэ ульнестъ 13 эйкакшонзо.

Весе сынст туртов максови государственной персональной пенсия.

Полтавасо эри А. А. Пушкинэнь тейтерезэ — Мария Александровна, мирденэ коряс Быкова. Сонэ мирдезэ Н. В. Быков кулось 1919 иестэ. Сон ульнестъ Гоголенъ вечкевикс сазоронзо—Лизань цера.

М. А. Пушкинань—Быковань 7 эйкакшонзо ды ламо нуцканзо. Поэтэнь нуцканзо нуцкатне — советской школьник, пионер.

Поэтэнь нуцказо Анна Александровна Пушкина весе нуцкатненъ эйстэ сехте пек моли эсинэ покштанзо енов. Сон эри Московсо, Арбатлангсо од кудосонть, козосоненэ а умок максеть квартира.

Соненэ ней 70 иеть.

Сонэ братозо, Григорий Александрович Пушкин, поэтэнь нуцказо эри Московсо, Рождественкас, покш квартирасо, конань максызе тенэ Моссоветэсь ды получи 300 целковойть пенсия.

Сонэ церазо, Григорий Александрович, Гриша, „Новый быт“ колониясо Москов ало прядсь животноводческой техникум, роботась Тимирязевской академиясо, мейле нарпитовской лабораториясо лаборантокс. Ней Гриша Пушкин служи Якстере Армиясо.

Поэтэнь церазо А. А. Пушкинэнь сех покш церазо, истя жо А. А. Пушкин, кона кулось 1916 иестэ, ульнестъ урвакстоэз А. П. Зелихлангс. Сынст шачсь тетерьнестъ Катюша.

Ней Екатерина Александровна Пушкинанень 27 иеть, сон эри Московсо, аванзо марто вейке кудосо, роботы „Спартак“ фабрикасо, конторасо.

Сонэ кавто эйкакшонзо: Саша ды Миша Пушкинтэнь.

Те касы уш Пушкинтэнь Ганнибалтэнь ветеце поколениясь.

35 Э. Гард.
(„Смена“).



Пушин Михайловскойсэ Пушкинэнь кедьсэ.

Н. Генъ картинасто.

СЕРГЕЙ ПЛАТОНОВ

А. С. Пушкинэнь

I.

Паксясонть вешкени телень бурясь,
Латктнэнь велькска вармазо эськели.
Вирьсэ чувтнэ таракесэст нурить,
Вирь чиресэнтъ ловось чары-вели.
Мон аштан, кулсонян вармань вешкентъ,
Кода морыть телефонь уськтнэ,
Ловонь пухонтъ эйсэ кода шешке,
Копачи нижесэ оршаэз кузнэнь.

II.

Монь мельсэнъ-превсэнъ тонь сермадокстнэ:
Вана тройкасо ардыть паксяванть.
Нурдтнэнь перька чарыть-велить „бестнэ“
Кириятнэсь, киштезь чиеть кияванть.
Эли вана тонь эрямонь ялгат
Евтни евктэ теть—кулдорды гулькинекс,
Кода превей каткась тумонть алга
Рисьмес содозь яки чинек-венек,
Коданя Русланонь Черноморось
Кустизе мастор-лангстонть мик менельс.
Пек уш виев Русланонь коморось—
Черноморонь сакалтнэ эзть мене.

III.

Вана сидикелень бедной велесъ,
Косо сетьстэ ютасть читне-ветне.
Ансяк вана тонь сельтнень икеле
Верь ды ливезь валность сокицятне.
Тосо чахракс цветясь од тейтерьтне
Седейтеме злодеень мель витемс,
Аварькшнемандонть сынст сальме-керьтне
Якстерьгадсть, пси сельведьтнеде летькемсть.

VI.

Варштавлиять бу ней тон валдо сельмесэть,
Коданя цвети мирэсь-масторось,
Коданя эрьвась эсинэз кельсэ
Народтнэ морсекшнить мазый морост.
Полавтовсь ней сидикелень велесъ,
Мазыйде мазый минек эрямось,
Варштавлиять бу минек паксянть келес,
Видинек сюрэ вадра ды ламо.
Ней народось эри вейке мельсэ,
Од эрямо строи кеме сталень,
Ней прок чи ванькстояк ванькс менельсэнть
Вечкевикс тетянок—ине Сталин.

1937 ие.

Сехте пек

мелезэнь тусь

„Евгений Онегин“ романось

Саранскоень „Красный октябрь“ типографиянь робочейтне—од ломаньтне вечксызь А. С. Пушкинэнь произведениязо.

— Монь мельс сехте пек тустъ А. С. Пушкинэнь „Евгений Онегин“ романось ды „Руслан и Людмила“ евксось—корты Кашников Николай.

Сынст библиотекасто од ломаньтне сехте ламо книга сайть А. С. Пушкинэнь.

Япониясо правительстванть полавтомавзо коряс

Январень 23-це чистэ Япониянь правительствась Хиротань прятсо макссь яволявкс отставкас туемадо. Те правительствась кеместэ ветясь „покш войнанть“ анокстатмо. Покш войнанть Япониясо чаркодизь вейке эли зярят первостепенной держава марто войнакс, „вишка войнась“ явови сонэ эйстэ сенсэ, конань Япониянь армиясь вети Китаень народонть каршо.

„Покш войнанть“ анокстатмонзо Хиротань правительствась военщинань мереманзо коряс пек покшолгавтынзе армиянь ды флотонть кемекстамонзо ды перевооружениязо лангс расхолтнэнь. Масторось мендявсь стака налогтнэде. Налогтнэнь покшолгавтоманть каршо кортнематне эрсит мик Япониянь парламентсэньтак.

Военщинань меленэ коряс Хирота тейсь тайной военной союз фашистской Германиянь марто, ды вельтизе сонэ „коммунистнэнь каршо боротамонь соглашениясонть“.

Те союзонть теемазо берякватызэ Япониянь международной положениязо. Американы Соединенной Штатнэ, Англиясь, Франциясь пек ациргалить войнань каршо очагтнэнь—Европасо ды Дальней Востоксо малавгавтомодост. Чаркодеви, што Япониянь фашистской Германия марто сюлмавомась берякватынзе японо-советской отношениятненьгак.

Япониянь международной положениязо берякадомась тейсь неудачат Китайсэ Япониянь захватнической политикактенгак.

Те обстановкасонтъ пурнавсь Япониянь парламентэнь очередной сессиясь.

Хиротань правительствась ульнестъ вынужден теесотчет эсинэз роботадонзо. Япониянь покш партиятне мик минсейто ды сейюкай пек критиковать правительстванть роботанзо.

А эряви арсемс, што Япониянь буржуазиясь, кона ашти парламентэнь минсейто ды сейюкай партиятнэсь, войнань каршо молиця ды меленэ мирнойть. Арась, Япониянь буржуазиясь бажи од модань нельгеме ды соды, што неть нельгематнень можна теемс ансяк войнасо, но японской буржуазиянтэ а мельсэнэз ашти се, што генералтнэ, конат эритъ сонэ жалования лангсо, арситъ государство ветьямо эсистладсо ды кортыть покш азоронь вайгельсэ. Буржуазиянтэ эйстэ сех ламотне пелить седе кода бу военщинась апакарсе аволизе тарга масторонть кодамож покш авантюрас, те-

де икеле тенень апок анокстат. Но Япониянь военщинась пек тонадсь сенень, што сон ашти масторонть положениязо азорокс. Сын вешить правительствань прятонтэ Хиротань пельде нолдамс а кунсолыця парламентэнь. Хирота тень лангс эзь моле ды ловизе эрявиксэкс туемс отставкас.

Япониясо правительственной кризисэсь эщо вестъ невтизе кодамо покш виекс кармась улеме военщинась японской государствасонть.

Военщинась яла седе кеместэ саясь кедезэнэз Япониянь государственной рулентэ. Сон тулкади Япониянтэ внешней од авантюра лангс, „покш войнань“ ки лангс.

(„Крестьянская газетасто“)

Отв. редакторонть полавтыязо
А. БРЫЖИНСКИЙ.